

Scientes quod à Domino accipietis retributionem hereditatis. Nolite putare vestrum infructuosum esse servitium: quod propter Deum exhibitum, cœlesti remuneratione penfabitur.

Domino Christo servite. Ipse enim servit Deo, qui propter ipsum homini servit.

Qui enim injuriam facit, recipiet id quod iniquè gessit. Et non est personarum acceptio apud Deum. Sive servus, qui dominum contempserit: sive dominus, qui servum iniquè tractaverit: ideo hoc dicit, ut consolationem habeant, scientes suam inultam non esse injuriam apud Deum.

Caput I V.

DOMINI, quod justum est, & æquum, servis prestate. Patres magis vos sentire debent, quam dominos. Unde & patresfamilias appellatur.

Scientes quoniam & vos Dominum habetis in cœlo. Qualem circa vos Dominum vultis esse, tales & vos estote confervis.

Orationi instate, vigilantes in ea. Negligentis enim & dormientis oratio, nec ab homine prævalet impetrare.

In gratiarum actione. Pro omnibus quæ concessa sunt vobis.

Orantes simul & pro nobis, ut Deus aperiat nobis osium sermonis ad loquendum mysterium Christi: propter quod etiam vincit sum. Vobis enim orantibus si de tribulatione liberemur, vobis proficiet in doctrina.

Ut manifestem illud, ita ut oportet me loqui. Ut ipse destinet quid agendum, quando, vel cui debeat prædicare, sicut Ilaías ait: Ut sciam quando oporteat me dicere sermonem.

In sapientia ambulate ad eos qui foris sunt. Nolite eos ultra ad iracundiam provocare.

Tempus redimentes. De malo tempore, bonum tempus vestra prudentia facientes.

Sermo vester semper in gratia. In novo scilicet testamento, vel certè gratum proferatis sermonem.

Sale sit conditius. Sapientiæ & rationis, ne stulta nostra religio à philosophis & gentibus existimetur.

Ut sciatis quomodo oporteat vos unicuique respondere. Aliter paganis, aliter Judæis, aliter hæreticis contradicenti-

bus veritati. Unde & Petrus ait: Parati semper ad satisfationem &c.

Que circa me sunt, omnia vobis nota faciet Tychicus charissimus frater, & fidelis minister, & conservus in Domino: quem misi ad vos ad hoc ipsum, ut cognoscatur que circa vos sunt, & consoletur corda vestra, cum Onesimo charissimo & fideli fratre, qui ex vobis est: qui omnia quæ hic aguntur, nota facient vobis. Securos illos vult esse de sua incolumitate, ne hac essent tristitia occupati.

Salutat vos Aristarchus concaptivus meus. Simul vincus erat, sive compatiabatur charitatis affectu.

Et Marcus consobrinus Barnabe, de quo accepistis mandata. Si venerit ad vos, suscipite illum. Et Jesus qui dicitur justus, qui sunt ex circumcissione. Hi soli sunt adjutores mei in regno Dei, qui mihi fuerunt solatio. In novo testamento, per quod intratur regnum: sicut satanas mors dicitur, quia ipse causa mortis.

Salutat vos Epaphras, qui ex vobis est servus Christi Jesu, semper sollicitus pro vobis in orationibus, ut stetis perfecti & pleni in omni voluntate Dei. Tam erant perfecti, qui perseverare monentur. Laborem ergo eorum suis orationibus adjuvabat.

Testimonium enim illi perhibeo, quod habet multum laborem pro vobis, & pro his qui sunt Laodicea, & qui Hierapoli. Tales erant primi temporis discipuli Apostolorum, ut imitarentur magistros, & pro omnium essent salute solliciti.

Salutat vos Lucas medicus charissimus, & Demas. Salutate fratres qui sunt Laodicea, & Nympham, & que in domo ejus est Ecclesia. Et cum lecta fuerit apud vos Epistola hæc, facite ut & in Laodicensium Ecclesia legatur: & ea que Laodicensium est, vobis legatur. Evangelista ex medico erat, sicut Matthæus jam Apostolus adhuc dicitur publicanus.

Et dicite Archippo: Vide ministerium quod accepisti in Domino, ut illud impleas. Hic diaconus fuisse perhibetur.

Salutatio mea manu Pauli. Memores estote vinculorum meorum. Sive orate, ut reddat vobis: sive mementote, quia vestri hæc patior causa, & imitamini tolerantiam passionum.

Gratia Domini nostri Jesu Christi vobiscum: Amen.

Explicit Commentarius in Epistolam ad Colossenses.

COMMENTARIUM IN PRIMAM EPISTOLAM AD THESSALONICENSIS

Caput I.

PAULUS & Sylvanus, & Timotheus, Ecclesia Thessalonicensium. Quia per ipsos filii verbum fuerat nunciatum, sicut & Corinthiis: quod & ad eosdem in secunda commemorat.

In Deo Patre nostro, & Domino Jesu Christo. Quia per fidem filii, tam in patre, quam in filio erant. Quia quicumque confitetur filium, & patrem habet.

Gratia vobis & pax. A Deo Patre scilicet, & Domino nostro Jesu Christo.

Gratias agimus Deo semper pro omnibus vobis. Quia omnium nobis grata memoria est.

Memoriam vestri facientes in orationibus nostris sine intermissione. In indefinente oratione: memorie quantitas & dilectionis ostenditur, quam eorum merita postulabant.

Memores operis fidei vestra, & laboris. Non immerito il-

lius fidei memores sunt, quam & justitie labor, & charitatis affectus, & passionum tolerantia comprobant.

Et charitatis, & sustinentie spei Domini nostri Jesu Christi ante Deum & patrem nostrum. Ad Deum patrem nostrum. Qui perfectæ charitatis est, sustinet omnia patienter propter spem futuram.

Scientes fratres, dilecti à Deo, electionem vestram. Retinentes tempus electionis vestra, qualiter nos prædicaverimus, & vos credideritis.

Quia Evangelium nostrum non fuit ad vos in sermone tantum. Notandum quod illa efficax possit esse doctrina, que justitie commendatur exemplo.

Sed & in virtute. In virtute sive signorum, sive tolerantia passionum.

Et in Spiritu sancto. Quem devotè accepistis: vel cujus virtutem per signa monstravimus.

Et in plenitudine multa. Perfectionis, justitie, conversationis, & vitæ.

Sicut scitis quales fuerimus in vobis propter vos. Ad profectum vestrum etiam ab illicitis abstinentes, ut inferius continetur.

Et vos imitatores nostri facti estis & Domini. In passionibus verbum suscipientes: sicut & nos docuimus, & Dominus prædicavit.

Excipientes verbum in tribulatione multa, cum gaudio Spiritus sancti. Hoc est, verè in Spiritu sancto gaudete: sicut & Apostolos fecisse legimus.

Ita ut facti sitis forma omnibus credentibus in Macedonia & in Achaia. Perfectorum exempla, forma omnibus credentibus exhibetur: vestro ergo exemplo etiam provincia profecerunt.

A vobis enim diffamatus est sermo Domini: non solum in Macedonia & in Achaia, sed & in omni loco. Natura famæ hæc est: ut sive bonum, sive malum nuncians, ubique omni celeritate discurrat.

Fides vestra que est ad Deum, profecta est. A vobis ad Deum conversa.

Ita ut non sit nobis necesse quicquam loqui. Id ut nobis incipientibus, aliquid de vestro exemplo, ipsi optime scire se dicant.

Ipsi enim de nobis annunciant, qualem introitum habuerimus ad vos: & quomodo conversi estis ad Deum. Eta est constantia, & vestra conversationis omnibus nota est qualitas.

A simulachris, servare Deo vivo & vero. Simulachrum, à simulandis dicitur. Pulchrè ad Deum verum & vivum, à falsis dominis conversi esse dicuntur.

Et expectare filium ejus de cœlis, quem suscitavit ex mortuis, Jesum. Talis est, ut fiducialiter & cum gaudio adventum Domini expectetis.

Qui eripuit nos ab ira ventura. Dimittendo peccata: & doctrina sua, & exemplo ab ira nos liberavit. Jam ergo in spe libertatem habemus.

Caput II.

NAM & ipsi scitis, fratres, introitum nostrum ad vos. Commemoratur illos, ut agnoscat verum quod dicunt: & eorum magis proficiant exemplo.

Quia non inanis fuit: sed ante passus multa, & contumeliis affecti. Non est inanis sermo, qui completur constantia passionis.

Sicut scitis in Philippis. Quia aliquantus vestrum videtur nos Philippis passos, nec expavisse persecutiones, nec prædicare cessasse.

Fiduciam habuimus in Deo nostro. Qui nos liberare in præfenti vel in futuro potest, & laboris nostri mercedem omnibus recompenfare.

Loqui ad vos Evangelium Dei in multa sollicitudine. Non negligenter, nec transitorie, sed in sollicitudine non parva, sed multa.

Exhortatio enim nostra non de errore. Ideo non erramus: errat enim quicumque putat, vel docet multos posse regnare cum Christo, sicut alibi dicit: Nolite errare: quia Deus non irridetur.

Neque de immunditia. Sicut Joviniani doctrina fuit. Neque in dolo. Non contra constantiam nostram docentes, atque fraudantes.

Sed sicut probati sumus à Deo: ut crederetur à vobis Evangelium, ita loquimur: non quasi hominibus placentes. Qui falli possunt.

Sed Deo: qui probat corda nostra. Integri quasi à Deo probati, & ab ipso in hoc officium destinati: qui cordis occulta rimatur.

Neque enim aliquando fuimus in sermone adulationis, sicut scitis. Sicut qui hominibus placent, tanquam agris desiderata omnia concedentes, & mortem eorum negligentis.

Neque in occasione avaritia, Deus testis est: neque querentes ab hominibus gloriam: neque à vobis, neque ab aliis. Omnis qui adulatur, aut propter avaritiam, aut propter vanam gloriam adulatur: ille verò propter Deum docere probatur, qui ista non querit.

Cum possemus vobis oneri esse, ut Christi Apostoli. Vel in hoc quod Deus ordinavit: id est, ut de Evangelio viveremus. Sed facti sumus parvuli in medio vestrum. Humiliantes nos,

Tom. V.

& nec honorem debitum requirentes.

Tanquam si nurrix fovet filios suos. Humilians se in omnibus, parvulo se coequans: ut illos ad majora sua imitatione perducat. Nam & balbutit interdum lingua: & manducare fingit, & cum eis lentè ambulare confuecit.

Ita desiderantes vos cupide, volebamus tradere vobis: non solum Evangelium Dei, sed etiam animas nostras. Sicut nutrix non solum verbum, sed etiam omnem sensum perfectionis suæ in parvulum transfundere cupit: ut ei citò possit æquari: ita nos omnia fecimus per quæ proficere poteratis.

Quoniam charissimi nobis facti estis. Propter fidem & conversationem vestram, quam superius memoravimus.

Memores enim facti estis fratres laboris nostri, & fatigationis, nocte & die operantes. Laborem manuum nocte, & fatigationem verbi die: cæterum semper operabatur, quando docebat.

Ne hæcquam vestrum gravaremus. Apud istos & Corinthios, & Ephesios laboravit, quibus occasionem auferre cupiebat, vel docendi, vel de se aliquid suspicandi.

Prædicavimus in vobis Evangelium Dei. Vos testes estis & Deus. Sicut Samuel populum contestatur.

Quam sanctè & justè, & sine querela vobis qui credidistis, affuimus. Ne vobis ullam offensionem dare videremur.

Sicut scitis qualiter unumquemque vestrum, tanquam pater filios suos, deprecantes vos. Parvulos nutrix fovet: proficientes verò jam pater instituit.

Et consolantes testificati sumus. In tribulationibus, promissionibus Christi vos sumus consolati.

Ut ambularetis dignè Deo. Dignè Deo ambulat, qui nihil Deo agit indignum.

Qui vocavit vos in suum regnum & gloriam. Quod non nisi ejus similes possidebunt, justitie scilicet & sanctitatis exemplo.

Ideo & nos gratias agimus Deo sine intermissione: quoniam cum accepissetis à nobis verbum auditis Dei. Quod primum de Deo audistis, sive quasi audieritis Deum.

Accepistis illud non ut verbum hominum, sed sicut est verè verbum Dei. Ut verbum hominum accipit, qui contemnit: vos autem ita credidistis, ut ab ipso Deo audire putaretis.

Qui operatur in vobis qui credidistis. Verbo vel signis: sive virtutes exercet. Credentes enim, ait Marcus, hæc signa sequentur.

Vos enim imitatores facti estis (fratres) Ecclesiarum Dei, que sunt in Judea in Christo Jesu. Quibus dicitur: Nam & vincis compalli estis, & rapinam bonorum vestrorum cum gaudio susceperitis.

Quia eadem passi estis & vos à contribulibus vestris, sicut & ipsi à Judæis. De vobis plus miror, qui nec legis, nec Prophetarum habuistis exempla.

Qui & Dominum occiderunt Jesum, & Prophetas: & nos persecuti sunt, & Deo non placent. Quid mirum si nos mali persequuntur, qui nec ipsi Domino pepercerunt?

Et omnibus hominibus adversantur: prohibentes nos gentibus loqui, ut salvi fiant: ut impleant peccata sua semper. Non solum Judæos impediunt, sed etiam gentibus invident, ad suorum cumulum peccatorum.

Pervenit enim ira Dei super illos usque in finem. Sive quia prædico qua pœna captivi sunt: sive quia ablati est non credentibus intellectus.

Nos autem (fratres) desolati à vobis ad tempus horæ, aspectu non corde. Sicut alibi ait: Et corpore absens, sed spiritu præsens.

Abundantius festinavimus faciem vestram videre cum multo desiderio. Quoniam volumus venire ad vos: ego quidem Paulus & semel & iterum, sed impediit nos satanas. Tribulationibus persequentium.

Que est enim nostra spes, aut gaudium, aut corona glorie? Nonne vos: ante Dominum nostrum Jesum Christum in adventu ejus? Non immerito vos desideramus, per quos lætitiæ gaudium speramus, & gloriæ coronam.

Vos enim estis gloria nostra & gaudium. Boni magistri, omnem spem, & gaudium, & gloriam solent collocare in profectu discipulorum.

Caput III.

PROPTER quod non sustinentes amplius. Ad vos neminem nostrum venire.

Y y y ij

Placuit nobis remanere Athenis, soli. Maluimus soli remanere, quam nescire quid ageretur.

Et misimus Timotheum fratrem nostrum. Queritur quomodo Timotheus missus est: sed prius id dictum est.

Et ministrum Dei in Evangelio Christi. Adjuutores pro discipulis etiam vulgo dicuntur.

Ad confirmandos vos & exhortandos pro fide vestra. Pro hac causa duntaxat: quia perfecte credidistis.

Ut nemo moveatur in tribulationibus istis. Non dico: ne omnes, sed ne vel aliquis moveatur.

Ipsi enim scitis quod in hoc positi sumus. Non ergo mirari debetis, scientes nos aliter transire non posse, dicente Domino: Ecce ego mitto vos sicut oves in medio luporum. Et iterum: Ecce dixi vobis ut in me pacem habeatis: in hoc autem saeculo pressuram.

Nam & cum apud vos essemus, praedicabamus vobis passuros nos tribulationes: sicut & factum est, & scitis. Ne vos ipsa novitas deterreret, sed magis prophetia nostra confirmaret: sicut & Dominus passurum se ante praedixit.

Propterea & ego amplius non sustinens, nisi ad cognoscendum fidem vestram, ne forte tentaverit vos. Dicens: Ecce in quibus putatis Deum esse, qualia patiuntur: & fidem vestram forsitan commoveret.

Is qui tentat. Sicut Job a Domino probatur. Et inanis fiat labor noster. Si aliquem scrupulum patiimini. Notandum doctrinam, dici laborem.

Nunc autem veniente Timotheo ad nos a vobis, & annunciantem nobis fidem & charitatem vestram: & quia memoriam nostri habetis bonam, semper desiderantes nos videre, sicut & vos quoque & vos. Quia firmiter Christo credentes, tenetis fidem: & nos solita dilectione diligitis.

Ideo consolati sumus, fratres, in vobis in omni necessitate & tribulatione nostra per fidem vestram. Omnem necessitatem & tribulationem non sentimus, praeter magnitudine gaudii status vestri.

Quoniam nunc vivimus, si vos statis in Domino. Etiam si occidamur, vivimus: quia vita nostra in vestra firmitate consistit.

Quam enim gratiarum actionem possumus Deo retribuere pro vobis, in omni gaudio quo gaudentur propter vos ante Dominum Deum nostrum. Triplicem laetitiam causam nobis vestra conversatio praestat: quia & vos proficitis, & Dominus per vos benedicatur, & aliis praebet exemplum.

Nocte ac die abundantius orantes, ut videamus faciem vestram. Ostendit quantum aliis desiderandi sint fratribus, quos tantum ipse desiderat: Quis enim cum famam peperit, videre non cupiat?

Et compleamus ea quae desunt fidei vestrae. Si quid fides vestra minus habet doctrinae.

Ipsae autem Deus & Pater noster, & Dominus Iesus Christus dirigat viam nostram ad vos. Remotis diaboli scandalis, quibus noster impeditur ad vos adventum.

Vos autem Dominus multiplicet, & abundare faciat charitatem vestram. Quia iam plena & opere comprobata est.

In invicem & in omnes. Ut non solum Christianos, sed etiam omnis saeculae homines: non erotis, sed naturae gratia diligatis: & eis in quo indigerint, misericordiam quam illis in praesenti Deus exhibet, non negetis.

Quomodo enim & nos in vobis ad confirmandam corda vestra. Fecit abundare, ut & vos aliorum corda firmetis.

Sine querela in sanctitate ante Deum & patrem nostrum, in adventu Domini nostri Iesu Christi cum omnibus sanctis eius. Amen. Non ante homines, sicut de Zacharia, & Elizabeth. Et per Isaiaam: & vos eritis mihi iusti, dicit Dominus.

Caput I V.

De cetero ergo fratres. Post laudem & consolationem, incipit exhortatio.

Rogamus vos, & obsecramus in Domino Iesu: ut quemadmodum accepistis a nobis quomodo oporteat vos ambulare & placere Deo: sic & ambuletis, ut abundetis magis. Quibus via Christus est, dignis eo gressibus ambulate: quia cum aetate fides augetur debet & mores: sicut cum aetate carnis, & cibus crescit & studium.

Scitis enim quae praecepta dederim vobis per Dominum Iesum. Haec est enim voluntas Dei, sanctificatio vestra: ut absti-

neatis vos a fornicatione. Sanctificatio ab omni incontinentia revocat Christianum, cui incontinenti non expedit sanctum Christi corpus attingere: maxime cum Moyses Iudaeos sanctificare volens, populum totum ab omni foemina se continere praecipit, ut Dei potiri praesentia mererentur.

Ut sciat unusquisque vestrum vas suum possidere in sanctificatione & honore. Suum corpus unusquisque castum servando sanctificet & honoret. Simul considerandum: quia eis tanquam perfectis, non sicut Corinthiis scribit infirmis.

Non in passione desiderii, sicut & gentes quae ignorant Deum. Ne nimiae & immoderate libidini fervientes, similes gentibus fiat: quae Deum amatorem castitatis ignorant.

Et ne quis supergrediatur, neque circumveniat in negotio fratrem suum. Ne quis post devotam continentiam & consensum, fratri suo aliquam circumventionem vi circumferre nitatur, sive in quolibet negotio, ne quis alterum fraudet.

Quoniam vindex est Dominus de his omnibus: sicut praediximus vobis, & testificati sumus. Non solum de fornicatione & publica turpitudine, sed etiam de transgressione propositi. Quisquis enim continentiam Deo voverit, fecit sibi illicitum quod licebat.

Non enim vocavit nos Deus in immunditia. Quae corpus Christi audenter non permittit accipi.

Sed in sanctificationem. Ut exemplo Christi vivatis. Qui enim habet spem hanc in eum, sanctificat se, sicut & ille sanctus est.

Itaque qui haec spernit: non hominem spernit, sed Deum: qui etiam dedit spiritum suum sanctum in vobis. Non me, sed eum qui in me loquitur Christum: cuius spiritui injuriam facit omnis qui non sancte versatur.

De charitate autem fraternitatis non necesse habuimus scribere vobis. Videte quam perfecti erant, qui de tanto & tam necessario praeparato, non indigebant admoneri.

Ipsi enim vos a Deo didicistis, ut diligatis invicem. Etenim illud facitis in omnes fratres in universa Macedonia. A Christo, qui dixit: Mandatum novum do vobis. Hoc novum est, ut pro alterutro moriamur: quia hoc vetus non fuit erat testamentum.

Rogamus autem vos fratres, ut abundetis magis & operam detis. Hoc est, ut iam ignotos quosque diligatis.

Ut quieti sitis: & ut vestrum negotium agatis, & operemini manibus vestris: sicut praecipimus vobis. Quidam in quiete per diversorum discurrunt domus: aliqua etiam ad religionis opprobrium postulantes ab infidelibus: quamquam ad eos in secunda plenius exequitur. Unde magis vult eos, vel proprii negotii cura, vel labore manuum occupari, quam otiositatis detrimentum, & inquietudinis habere peccatum.

Ut & honeste ambuletis ad eos qui foris sunt: & nullius aliquid desideretis. Ne vos ipsi denotent qui praestare videntur.

Nolumus autem vos ignorare, fratres, de dormientibus. Dormit enim quem certum est surrecturum, sicut dictum est in evangelio de Lazaro.

Ut non contristemini, sicut & ceteri qui spem non habent. Aliter debet fieri qui peregre pergit, aliter ille qui moritur.

Si enim credimus quod Iesus mortuus est, & resurrexit. Si ea credimus quae non videmus: & per ejus resurrectionem certi sumus nos veniam consecutos: cur illud similiter non credamus, quod gentes qui vident Deo non credunt?

Ita & Deus eos qui dormierunt, per Iesum adducet cum eo. Qui caput suscitavit: etiam cetera membra suscitaturum se promittit.

Hoc enim vobis dicimus in verbo Domini. Ex Evangelii sententia.

Quia nos qui vivimus, qui residui sumus in adventu Domini. Semper Apostolus diem Domini fecit habere suspectum, quasi eos in corpore inveniret.

Non praeviemus eos qui dormierunt. Tam velox erit eorum resurrectio, quam nostra assumptio.

Quoniam ipse Dominus in Iesu, & in voce Archangeli. Terrorem illius diei monstrat, quo omnis potestas caeli, & elementa movenda sunt: ut nos sciamus quali conscientia diem Domini expectemus.

Et in tuba Dei descendet de caelo. Si ad hominis tubam terra videtur permoveri, quanto magis ad Dei: sicut Elias

quoque terribilem in monte Domini vidit adventum.

Et mortui qui in Christo sunt, resurgent primi. Deinde nos qui vivimus, qui relinquamur, simul rapiemur cum illis in nubibus obviam Christo in aera. Qui in Christo mortui fuerint, resurgent primo: & qui vivi inventi fuerint sancti, cum ipsis pariter rapiemur: qui non judicabuntur, sed potius judicabunt.

Et sic semper cum Domino erimus. In eadem gloria aeternitatis.

Itaque consolamini invicem in verbis istis. Notandum quod laetis hoc praecipit, ut alterutrum se doctrinis instruant.

Caput V.

De temporibus autem & momentis, fratres, non indigetis ut scribamus vobis. Ipsi enim diligenter scitis. Evidentissima Evangelii lectione edocti.

Quia dies Domini sicut fur in nocte ita veniet. Quando omnes sciet dormire securos.

Cum enim dixerint, pax & securitas: tunc repentinus eis superveniet interitus. Tunc maxime timenda est poena, quam nunc non expectant.

Sicut dolor in utero habentis, & non effugiet. Sicut mulier veniente partu, dolores non effugit.

Vos autem, fratres, non estis in tenebris: ut vos dies ille tanquam fur comprehendat. Non estis adeo ignorantes, ut nesciatis vos semper paratos esse debere.

Omnes enim vos filii lucis estis, & filii diei. Scientiae veritatis.

Non sumus noctis, neque tenebrarum. Quia sicut tenebrae, ita & ignorantia dat fiduciam delinquendi.

Igitur non dormiamus, sicut & ceteri. Qui sic dormiunt, etiam oblitii sunt sui.

Sed vigilemus, & sobrii simus. Attendite vobis ne graventur corda vestra in crapula, & in ebrietate, & curis hujus vitae: ergo & curae inebriant mentem.

Qui enim dormiunt, nocte dormiunt: & qui ebrii sunt, nocte ebrii sunt. Ideo otiosi & ebrii sunt, quia in tenebris sunt.

Nos autem qui diei sumus, sobrii simus. Nos qui diem Christum habemus, nec otiosi, nec ebrii esse debemus.

Induiti loriceam fidei, & charitatis, & galeam spem salutis. Fide & charitate, & iustitia omnia constant, quas & loricea alibi comparavit.

Quoniam non pessum nos Deus in iram, sed in acquisitionem salutis, per Dominum nostrum Iesum Christum. In ira sunt positi: quia iam iudicati sunt.

Qui mortuus est pro nobis. Ut nos non moreremur.

Ut sive vigilemus, sive dormiamus, simul cum illo vivamus. Ut sive in corpore, sive extra corpus inveniamur, semper cum ipso vivamus.

Propter quod consolamini invicem, & edificate alterutrum, sicut & facitis. Notandum quia hoc laicis praecipit: quos etiam monet, ut studeant exhibere officia charitatis.

Rogamus autem vos, fratres, ut noveritis eos qui laborant inter vos. Ut intelligatis laborem eorum.

Et praesunt vobis in Domino, & movent vos. Exemplo iustitiae, non potestate terrena, sicut ait Petrus.

Ut habeatis illos abundantius in charitate, propter opus illorum: & pacem habetis cum eis. Presbyteri qui laborant in verbo, dupliciter honorandi sunt, id est, charitatis obsequio, & ordinis dignitate.

Rogamus autem vos fratres, corripite inquietos, consolamini pusillanimes. Pro diversitate morborum, diversitas adhibenda est medicinae. Illi corripendi, ne pereant: isti consolandi sunt ne deficiant.

Suscipite infirmos. Sustinete nuper credentes, qui nondum sunt confirmati.

Patientes estote ad omnes. Etiam ad correptos: quia impatiens non corrigitur, sed irritatur.

Videte ne quis malum pro malo alicui reddat. Omni diligentia cave, ne cui infirmiori (ut ignarus) vel vicem mali reddas: quia ultra aliquid id facere non credo. Omnis enim qui injuriam facit, male facit: & qui vicem injuriae reddit, injuriam facit, & male facit: quia ut superius dictum est: omnis qui facit injuriam, male facit.

Sed semper quod bonum est scilicet in invicem, & in omnes. Non solum in vos Christianos, sed etiam in omnes homines.

Semper gaudete. In conscientiae puritate.

Sine intermissione orate. Si jugiter non potes lingua, saltem corde, sicut Moysi tacenti dicitur: quid clamas ad me? Sive omnis actus vester talis sit, ut pro vobis semper Deum oret.

In omnibus gratias agite. In omnibus quae acciderint, sicut Job: sive, in omni conversatione vestra Domino gratiae referantur.

Haec est enim voluntas Dei in Christo Iesu, in omnibus vobis. Sicut in Christo per omnia impleta est, ita & in vobis omnibus impleatur.

Spiritum nolite extinguere. Spiritum exhortationis, quaestioibus nolite extinguere. Sive spiritum pro gratia linguarum posuit, sicut ait: Si oravero lingua, spiritus meus orat: quomodo etiam ad Corinthios dicit: Et loqui linguis nolite prohibere, ita & hic spiritum non extinguendum esse testatur.

Prophetias nolite spernere. Omnia autem probate: quod bonum est, tenete: ab omni specie mala abstinete vos. Sive futura praedicentes, sive praeterita differentes: tantum, ut probetis, si legi non sunt contraria quae dicuntur: si quid tale fuerit, refutate.

Ipsae autem Deus pacis. Qui omnia sustinet, etiam blasphemantes.

Sanctificet vos per omnia. Sive gratia, sive doctrina.

Ut integer spiritus vester, & anima, & corpus. Gratia spiritus quamvis in se semper integra sit: non tamen in nobis integra, nisi ab integris habeatur.

Sine querela in adventu Domini nostri Iesu Christi servetur. Utque in diem iudicii: quia non sunt tantum initia laudanda, sed finis.

Fidelis est qui vocavit vos. Qui dixit: Venite ad me omnes qui laboratis, & onerati estis, & ego vos requiescere faciam.

Qui etiam faciet. Fratres orate pro nobis. Salutate fratres omnes in osculo sancto. Quod promissit.

Adjuro per Dominum, ut legatur Epistola hac omnibus sanctis fratribus. Adjurare permittitur non jurare.

Gratia Domini nostri Iesu Christi vobiscum: Amen. Gratia cum omnibus perseveret.

Explicit Commentarius in primam Epistolam ad Thessalonicenses.

COMMENTARI

IN SECUNDAM EPISTOLAM

AD THESSALONICENSES

Caput I.

PAULUS, & Silvanus, & Timotheus, Ecclesia Thessalonicensium in Deo Patre nostro, & Domino Iesu Christo. Gratia vobis & pax à Deo Patre & Domino Iesu Christo. Gratias agere debemus semper Deo pro vobis fratres, ita ut dignum est. Qui sibi talem Ecclesiam conquirit.

Quoniam supercrevit fides vestra. Ideo laus augetur.

Et abundat charitas uniuscuiusque vestrum in invicem: ita ut & nos ipsi in vobis gloriamur in Ecclesiis Dei. In tantum proficitis: ut non solum alii vos inferiores quique collaudent, sed etiam nos ipsi vos praeferamus, omnibus imitandos.

Pro patientia vestra & fide, & in omnibus persecutionibus vestris, & tribulationibus. Nisi futura crederetis, ista minime sufferere velletis.

Quas sustinetis in exemplum iusti iudicii Dei. Ut exemplum detis, iustum Dei iudicium expectandi: quem ita creditis esse venturum.

Ut digni habeamini in regno Dei, pro quo & patimini. Hi digni sunt regno Dei, qui gloriam ei tribuerunt: scientes nullam passionem esse condignam.

Si tamen iustum est apud Deum retribuere tribulationem his qui vos tribulant. Hic, si tamen, confirmantis sermo est, non dubitantis: quasi dicat: si tamen foris potest iudi-

Y y y iij